

Gens estoient fort mal Couuerts et qu'il faisoit bien froid nō luy tesmoignasmes que Dieu prenoit plaisir auoir leur bonne volonté et leur rendisme leur Robe Cette famille nō donne bien de la Consolāon elle Comprend le dit etienne sa femme Madeleine, sa mere Christienne et Vn jeune Homme frere d'Estienne qui fut Batisé a Pasques et nomme Paul J'oubliais de parler de la petite fille d'Estienne nomme catherine elle na que deux Ans et fait jolim^t. le signe de la Croix et prend elle meme de l'Eau benite et Vne fois se mit a Crier sortant de la chapelle accause que sa mere qui la portoit ne luy auoit donné le loisir d'en prendre il la fallut reporter en prendre le bon etienne et sa femme et son frere scauent fort bien leurs prieres et leur Cathechisme et en notre absence ils prennent le soin de faire prier Dieu les autres chrestiens de Ce bourg qui ne sont pas encor beaucoup Car Je ne tiens Compte que des bonnes nō auons encor batisé dieu mercy a Pasques vn homme de Ce bourg de 40 Ans nomme Ahatsistari Il a receu Le nom d'Eustache C'est vn homme d un naturel noble et genereux grand guerrier et qui dieu aydant en attirera apres soy plusieurs s'il Continue bien Comme il a bien Commence priez Dieu pour luy et pour tous les autres Cōe aussy pō toutes nos Missions il y a plus de chrestiens a la Conception qua St. Joseph et Certes il y en a qui font tres bien graces a Dieu Le frere du defunt Joseph qui prit au bateme lenom de son frere est merueilleusem^t. changé et Auance fort en Vertu aussy fait sa femme catherine aussy fait Neueu pierre sa Niece Cecile &c On batisa l'An passe a Quebec vn Jeune homme nomme Tsondatza qui estoit alle dans le Canot du P. Brebeuf lequel fait tres bien il